



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-097-2/23**

Datum: **15.03.2023. godine**

„Agencija za vodno područje rijeke Save“ Sarajevo rješavajući po zahtjevu Investitora „Jata Group“ d.o.o. Srebrenik, za izdavanje vodne saglasnosti na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase kapaciteta 50 m³/sat predviđene za gradnju u krugu postojeće asfaltne baze, na parceli označenoj kao k.č. broj 2224/1 K.O. Potpeć, Grad Srebrenik, na osnovu člana 114., a u vezi sa članom 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi

RJEŠENJE **o vodnoj saglasnosti**

1. Investitoru „Jata Group“ d.o.o. Srebrenik daje se vodna saglasnost na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju svježe betonske mase, kapaciteta 50 m³/sat, sa pratećim objektima i sadržajima predviđenih za gradnju u krugu postojeće asfaltne baze, na parceli označenoj kao k.č. broj 2224/1 K.O. Potpeć, Grad Srebrenik, a u skladu sa projektnom dokumentacijom:

- Glavni projekat, kanalizacija, odvodnja i tretman oborinskih voda unutar asfaltne baze „JATA“ Potpeć, Grad Srebrenik, urađen od strane „Inpros“ d.o.o. Mostar, broj: KAN 04-09/21, septembar 2021. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za ispuštanje sanitarnih otpadnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.

3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

4. Vodna saglasnost se daje pod slijedećim uslovima:

4.1. Radove na izgradnji objekata za prikupljanje, prečišćavanje i ispuštanje tehnoloških otpadnih voda sa platoa za pretovar betona, platoa za pranje mehanizacije, miksera, oborinskih voda sa platoa za skladištenje frakcija agregata, radno manipulativnih, skladišnih i parking površina koje sadrže suspendovane materije, dijela lokacije na kojoj se nalazi asfaltna baza kapaciteta 210 t/sat sa servisnom radionicom za teška motorna vozila i pomoćnim objektima te čistih oborinskih voda sa krovova objekata izvesti u skladu sa ovjerenom projektnom dokumentacijom, navedenoj u tački 1. dispozitiva ovog Rješenja.

- 4.2. Nakon izvođenja radova sistema odvodnje i prečišćavanja tehnoloških otpadnih voda i oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
- 4.3. Na odvodnom cjevovodu, neposredno iza separatora ulja i masti i nakon trokomornog taložnika neophodno je izvesti posebna reviziona okna koja će služiti kao okna za uzimanje uzoraka (monitoring okna).
- 4.4. Obezbjediti da kvalitet prečišćene otpadne vode prije ispuštanja iste u prijemnik – rijeku Tinju bude u skladu sa tabelom 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
- 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 4.7. Predvidjeti da se sav nastali otpad prikuplja u skladu sa važećim propisima o postupanju sa otpadom.
- 4.8. Manipulativnu površinu potrebno je izvesti sa odgovarajućim nagibima i pripadajućim slivnicima.
- 4.9. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji, ukoliko do takvih situacija tokom izvođenja radova dođe, rješavati će se uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 4.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemne i površinske vode.
- 4.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 4.12. U okviru gradilišta riješiti prikupljanje i konačnu dispoziciju sanitarno-fekalnih otpadnih voda u skladu sa uslovima koje će propisati u rješenju o vodnoj saglasnosti nadležno Ministarstvo poljoprivrede, šumarstva i vodoprivrede Tuzlanskog kantona.
- 4.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 4.14. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
- 4.15. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 08-19-1-1546/22 od 02.09.2022. godine izdatog od strane Službe za prostorno uređenje i zaštitu okolice Grada Srebrenik.
- 4.16. Objekti i sadržaji koji će se izgraditi moraju predstavljati jedinstvenu funkcionalnu cjelinu sa svim drugim izgrađenim objektima infrastrukture kojima upravlja investitor „Jata Group“ d.o.o. Srebrenik, a sve u cilju zaštite površinskih i podzemnih voda kako u kvantitativnom tako i u kvalitativnom smislu.
- 4.17. Nakon okončanja svih aktivnosti na terenu, a u postupku ishodovanja upotrebne dozvole korisnik je u obavezi da projektu dokumentaciju: Glavni projekat, kanalizacija, odvodnja i tretman oborinskih voda unutar asfaltna baze „JATA“ Potpeć, Grad Srebrenik, urađen od strane „Inpros“ d.o.o. Mostar, broj: KAN 04-09/21, septembar 2021. godine doradi u skladu sa činjeničnim stanjem na terenu - hidro faza.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa Zakonom o vodama.

7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20 i 63/22).
9. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
10. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „Jata Group“ d.o.o. Srebrenik zatražio je izdavanje vodne saglasnosti na projektnu dokumentaciju kojom je obuhvaćena aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona, kapaciteta 50 m³/h koji će biti izgrađen u krugu asfaltne baze, na parceli 2224/1 K.O. Potpeć, Grad Srebrenik. U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerjenje o poreznoj registraciji od 04.05.2011. godine izdato od strane Porezne uprave Kantonalni porezni ured Tuzla – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:04-32.5-1/11 od 04.05.2011. godine izdato od strane Službe za statistiku za područje Tuzlanskog kantona – ovjerena kopija,
- Uvjerjenje o registraciji u Jedinstveni registar obveznika indirektnih poreza, broj:04/1-17-1-35-229-3/11 od 13.05.2011. godine izdato od strane Uprave za indirektno-neizravno oporezivanje Banja Luka - ovjerena kopija,
- Izvod iz posjedovnog lista broj 368, broj:03-26-1280/22-1 od 17.05.2022. godine izdat od strane Službe za geodetske i imovinsko-pravne poslove Grada Srebrenik - kopija,
- Rješenje o prethodnoj vodnoj saglasnosti, broj:UP-1/21-1-40-295-5/22 od 01.07.2022. godine izdato od strane Agencije za vodno područje rijeke Save, Sarajevo – ovjerena kopija,
- Rješenje o urbanističkoj saglasnosti, broj: 08-19-1-1546/22 od 02.09.2022. godine izdato od strane Službe za prostorno uređenje i zaštitu okolice Grada Srebrenik - ovjerena kopija,
- Obavijest, broj:12/1-19-002881/23 od 14.02.2023. godine izdata od strane Ministarstva prostornog uređenja i zaštite okolice Tuzlanskog kantona – ovjerena kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Tehničko-tehnološki projekat izvedenog stanja betonare, broj: 100-II/14 urađen od strane Instituta za zaštitu, ekologiju i obrazovanje d.d. Tuzla, maj 2014. godine,
- Glavni projekat, kanalizacija, odvodnja i tretman oborinskih voda unutar asfaltna baze „JATA“ Potpeć, Grad Srebrenik, urađen od strane „Inpros“ d.o.o. Mostar, broj: KAN 04-09/21, septembar 2021. godine.

U provedenom postupku konstatovano je sljedeće:

- Parcela na kojoj je planirana izgradnja pogona za proizvodnju svježe betonske mase se nalazi u krugu asfaltne baze, na parceli 2224/1 K.O. Potpeć, Grad Srebrenik.
- U radnom krugu investitora „Jata Group“ d.o.o. Srebrenik planirana je izgradnja proizvodnog objekta za proizvodnju betona kapaciteta 50 m³/sat. Osnovna namjena betonare je proizvodnja svježeg betona potrebnih i zahtijevanih marki i kvaliteta betona koji će se transportnim sredstvima (automikserima) isporučivati krajnjim kupcima.

➤ Projektna dokumentacija predstavlja jedinstvenu cjelinu sa projektnom dokumentacijom - hidro fazom postojećih objekata i postrojenja za ispuštanje tehnoloških otpadnih voda sa dijela lokacije na kojoj se nalazi asfaltna baza kapaciteta 210 t/sat sa servisnom radionicom za teška motorna vozila i pomoćnim objektima, uključujući i radno-manipulativne površine, lokalitet Potpeć, Grad Srebrenik.

➤ Kako se radi o velikim količinama vode (koje nije racionalno evakuisati sa jednim kolektorom, to je na prostoru „Asfaltne baze Jata” predviđena evakuacija oborinske vode sa 3 kolektora:

„Kolektor 1” za evakuaciju oborinskih voda na sjevernog dijela prostora „Asfaltne baze Jata” a na kome se javlja „zauljena voda” sa saobraćajnica i parking prostora.

„Kolektor 2” za evakuaciju oborinskih voda na južnog dijela prostora „Asfaltne baze Jata” a na kome se javlja „zauljena voda” sa saobraćajnica i platoa.

„Kolektor 3” za evakuaciju oborinskih voda iz centralnog dijela prostora „Asfaltne baze Jata” a na kome se javlja „zamuljena voda” sa prostora betonjare.

Preko tri navedena kolektora, sa prostora postojećih objekata u krugu „Asfaltne Baze Jata”, će se moći evakuisati maksimum 137,5 l/s oborinskih voda i iste tretirati preko separatora masti i ulja (nazivne veličine 10 l/s) i trokomornog taložnika za izdvajanje mulja, prije ispuštanja u rijeku Tinju kao recipijent.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-295-5/22 od 01.07.2022. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH”, broj 6/98, 8/00, 45/10, 43/13).

Uputa o pravnom lijeku


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja Rješenja



Dostaviti:

- „JATA GROUP” d.o.o.
Potpeć bb, 75350 Srebrenik, (Prilog),
- ⊙ AVP - ISV - Vodna knjiga,
- Sektor 40, arhiva,
- Oglasna tabla AVP - Sava Sarajevo